


RAHARAHAM-PIRENENA

# Miteniteny foana indray ny jeneraly Ramakavelo

F a inona indray ity nambaran'ny jeneraly Ramakavelo ? Ifanotofana ny fanehoan-kevitra amin'izao fotoana mampavaivay ny raharahampirenenia izao, sady ankehitriny dia marobe ireo karazan'olona mitonona ho mpamakafaka politika sy mpandinika fia-rahamonina, anisan'ireny ny Jeneraly Desiré Ramakavelo, izay tsy manaiky ho gisitra isaky ny misy toe-javatra mitranga.

Fahombiazana tanteraka no ilazana ny fandaharana tao amin'ny fahitalavitra tsy miankina iray ny alahady Pentekosta alina, niresaha ny tsy maha ara-dalàna ny fanangana ilay "Colisée de la honte", nanasana ny Pr Ranjeva Raymond, ny Jeneraly Ramakavelo Desiré, ary Andriamatoa Rason Johnson, io no fandaharana be mpanaraka indrindra erantany tamin'ny taona 2020, telolahy samy goavana no indray faraka, ka velombolo ny mpandala soatoavina. ny Pr Ranjeva Raymond fantatra teo amin'ny sehatra iraisampirenena, saingy ny maha-malagasy azy no nijoroany tamin'io, Andriamatoa Rason maha-fehy tanteraka ny momba ny tantara sy ny vakoka ary ny Jeneraly Ramakavelo dia niezaka niampanga ny fanotana fady, hany ka maro ireo na-naiky azy sady niloa-bava hoe: "Izany ka manambonihitra Jeneraly, ireny no tena olon'ny kolontsaina malagasy, itony no tena ray amandreny sy olo-marina tokony eken-teny..."

Vokatry ny fandraisian'an-jaran'ny Jeneraly Ramakavelo tamin'io fandaharana io dia hadinon'ny olona hatrarin'izy nivory teny Ambatobe, ny 6 Febrero 2009, nanomana ny fatiolona ny ampitso 7 Febrero 2009.



Taorian'ny fandaharana ny alin'ny Pentekosta io dia somary nangingina ny Jeneraly Ramakavelo, tsy nandrenesampeo na tamin'ny fitokanana ny Rova tamin'ny 6 Novambra 2020 aza, kanefa mbola tsy narodana ilay fotodraftrasa nampiaka-peo azy, tamin'ity herinandro ity indray vao nivoaka tamin'ny fahanginany ny Jeneraly, saingy indrisy fa toa niverina tamin'ny fomba fanaony tamin'ny 2009 indray ity "ray amandreny" nandrandraina.

Nanambara ny Jeneraly Ramakavelo, fa tokony hajanona hono ny fandaharana "Miara-manonja" sy ny "Tambatra", fa mampisavorovoro ny saimba-hoaka hono ary tokony hampiharina eto amin'ny firenena ny "loi martial", mazava fa mbola miaradia amin'ny mpanongampanjana ity Jeneraly ity, fa mody nanohitra ny fitondrana tamin'ny resaka "Colisée de la honte".

Fantavy ny Jeneraly Ramakavelo tsara, fa tsy mahasehaka ny "Miara-manonja" ny "Tambatra" dia asesiny ny hoe ravao miaraka ireo, amin'ity Jeneraly ity dia tsy ilaina ny fanehoan-kevitra politika amin'ny haino amanjery, fa aleo fandaharana momba ny fitiavana toy izay handraisany anjara ihany no tokony handeha.

Mbola tsy maty antsain'ny vahoaka malagasy, ny fiarovana bontolo ny fitondrana vahoaka niakatra teny Ambohitsorohitra ny 7 Febrero 2009 nataon'ny Jeneraly Ramakavelo

Ny Valosoa

## FAMPATSIAHIVANA

Ny filohan'ny holafitry ny mpanao gazety eto Madagasikara (OJM) dia mampatsiay amin'ny mpanao gazety rehetra ary manamafy hatrany ny tokony hanajana ny etika sy ny deontolojia eo ampanatanterehana ny asa fanaovan-gazety.

Aoka tsy hirona amin'ny fandrangitana, fihantsiana ary fanelezana vaovao tsy marim-pototra izay mety hanimba sy tsy hampitony ny fiaraha-monina.

Asa masina ny asa fanaovan-gazety ka tsy misy afa-tsy ny fanajana ny tandrohasina ihany no apinga entina mitazona izay fahamasinan'ny asan'ny mpanao gazety izay.

Tsarovy fa tsarain'ny olom- pirenena isan'andro isika mpanao gazety eo am- panatanterehana ny asantsika.

Ny filohan'ny OJM  
Gérard Rakotonirina

## An-tsary misongadina Ny Valosoa Vaovao

Ny fihaonamben'ny tanora RMDM teny Andraharo.



Nitokona ireo mpianatra ho mpitsabo eny Ankatsosy.

